

## Багъ гихдән 95 сай пуд буудә өгхмн!

КРАСНОЯРСК, августин 14. (ТАСС). Эндр энд крайин партийн активин хург болв, тәрә хуралгъна болн госу-дарствд буудә белдлгънә туск төр эн хургт тавгддж күүндгдв. КПСС-н Красно-ярск крайкомин негдгч, сег-ләтр Н. И. Органов доклад жев.

Тәрә хуралгъна кōдлмш краяр ниднәкәсн кесг хонг өмн эклв. 2,5 сай шаху гек-тар тәрән совхозмудар болн колхозмудар хурагдх зөвтә. Эн джил тәрәнә ургъцд йовуд-та эс болсн бийнъ крайин кесг райод ик ургъц ургъадж авцхав. Сүүлин гурви джилд нег сай шаху эмнг газр хагъ-лдж эдлгдсн мōн. Эн газрар ургъцнъ нег үлү сән.

Ахр цагин эргцд тәрә ху-ралгъна кōдлмшиг күүцәхин кергт цуг эв-аргънъ бәәнә. МТС-дәр болн совхозмудар ода деерән 13 минъгън трак-тормуд, 14 минъгън шаху комбайнмуд, талдан чигн керг-тә тоот техникнъ бәәнә. Ти-гәд эднд, ургъцин культуриг цугтнъ гилтә, салу-салуднъ хурах аргъ бәәнә.

Селәнә эдл-ахун теджәл икдүлх ямаран шин аргъ-чидл бәәхиг, докладчик болн босдж үг келсн улс цәәлгъдж келцхәв. Крайиннъ чидл-ар-гъинъ тоолад, октябрь сарин нег шин күртл буудә белдл-гънә зурагъан күүцәдж, госу-дарствд багъ гихдән 95 сай пуд буудә өгхмн гидж пар-тийн активин хург нег дуу-гъар шидв, — гер тонъ нидн джилникәр болхла зөвәр ик.

Крайин селәнә эдл-ахун өслт цааранднъ ягъдж делг-рүлхд, коммунистнр ик онь-ган өгцхәв. Дарук хойр джи-лин эргцд хойр сай гектар эмнг болн эмнгшсн газриг хагълдж эдлх болдж шидв. Теднәс нег сай гектар газ-ринъ ирх джилин тәрә тәрхд белдх болв.

Крайд шикрин свекл тәрдж ургъадг болхмн гидж пар-тийн актив шидв. Эн куль-турт эзлгдджәх газриг, 1958 джилд 10 минъгън гектар күүргдж өсгхмн.

КПСС-н ЦК-н Президиу-мин член, КПСС-н ЦК-н сег-ләтр Н. И. Беляев хургт орлцдж, үг келв.